

那文毅公奏議

那文毅公二任陝甘總督奏議卷二十六目錄

卷二十六

推薦賢能

奉

勅稽察

那文毅公二任陝甘總督奏議卷二十六

男容安恭輯

推薦賢能

嘉慶十五年九月初五日

奏爲道員告病出缺擬以試用道員照請試署事竊照平慶涇道李基呈報患病解任回籍調理現經臣飭司委驗取結另疏具

題並委令現在固原鹽茶一帶查辦災賑之試用道德克精阿就近接署去後所有平慶涇道遺缺係衝難中缺應歸部選查該道管轄二府一州爲甘省

東路衝途現有督辦賑卹撫綏災民之事尤關緊要非精明幹練之員不克勝任查有捐陞試用道德克精阿年三十七歲正紅旗滿洲福克精阿佐領下人由繙繹生員考補工科筆帖式

京察一等據發雲南補授臨安府同知調補景東直隸廳同知

奏陞川東府知府丁憂服滿引

見補用戶部山西司員外郎遵土方例捐陞道員籤掣甘

肅奉

旨發往以道員用於本年正月十二日到省該員才具精

敏辦事認真曾任滇省要缺知府與甫經捐納分  
發試用者有間前經委署西寧道現在委署平慶  
涇道均屬認真近於查辦平慶一帶災賑各務尤  
爲結實出力以之試署平慶涇道洵堪勝任查嘉  
慶十三年奉准部議各省委用試用道府有題調  
缺分者照例遇有陞調所遺之缺方准題補如無  
題調之缺省分將告病病故休致三項所出之缺  
准以分發委用試用之道府扣留請補甘省內地  
道員七缺均無題調之缺惟口外鎮延道係屬調  
缺但邊俸滿時應於內地實缺道員互調其委用

試用道員仍無可補之缺實與並無題調缺分之省分無異所有現在試用之道員似應請照並無題調缺分省分之例一體扣留請補惟德克精阿到廿試用未滿一年與例稍有未符臣係爲平慶災區賑卹要務必得實心任事熟悉之員妥協辦理起見理合恭摺請

旨可否仰懇

皇上天恩卽以德克精阿試署平慶涇道期滿另請實授抑或仍歸部選之處恭候

欽定謹

奏

嘉慶十五年九月二十二日奉

上諭那彥成奏道員缺出請以德克精阿試署一摺平慶  
一帶現有督辦賑卹撫綏災黎等事自須熟悉之員俾  
資治理所有平慶涇道員缺卽着德克精阿試署俟試  
俸期滿照例另請實授該部知道

嘉慶十五年九月初五日

奏爲甘省知府員缺現有候補人員奏明請

旨補授以裨地方事竊照鞏昌府知府胡紀謨告病開缺

經臣另疏

題報外所遺員缺係衝繁疲難四項兼全要缺應請

旨簡放茲據藩司陳祁臬司積朗阿詳稱甘省現有候補

知府黃銑遇缺例應扣留請補查黃銑順天大興

人山監生遵川運例捐從九品分發四川咨補彭

水縣巡檢淳陞蒲江縣知縣因隨營剿賊出力

奏陞石砫同知於寧獲首逆汪灝案內奉

旨以應陞之缺先行陞補又於官兵殲斃首逆賴飛龍案

內

賞戴花翎陞補順慶府知府嘉慶十二年到任後因與四

川臬司常發祥兒女姻親廻避籤掣吉肅補用本

年六月到甘委署鞏昌府事該員老成明練辦事  
精詳堪以請補鞏昌府知府等因前來臣查鞏昌  
府一缺本廳請

旨簡放但現有由川迴避在甘候補知府黃銳與奉

旨命往人員無異例得扣留請補查黃銳才具老練新署  
鞏昌府辦理災賑既有條理又極認真且曾任順  
慶府知府係請

旨要缺今因迴避來甘請補鞏昌府知府亦係請

旨要缺與例相符但可否准其補授鞏昌府知府之處出

自

卷之二十一

天恩謹

奏奉

旨允行

嘉慶十五年九月二十七日

奏陝省南山一帶臣於抵任後屢經嚴飭地方文武實力查拏游匪分段巡防並委令陝甘各鎮等四路會哨又商同提臣楊遇春密派明幹將弁改裝易服在於近山鄉村市集及深巖窮谷之中遍歷查搜邇來匪徒雖知歛戢不致滋生事端而臣等身任其職日夜實深惴惴王兆夢久任陝安實屬得

力惟例應丁憂離任臣與提臣楊遇春往返札商  
僅選得副將王延年尙爲熟悉而亦非必可久任  
之人現已請

旨簡放臣自應恭候

命下何敢冒昧賣陳惟思蒙

恩簡放之員營伍操防自必諳練而於南山情形或恐有  
未盡熟悉之處臣再四思維查有現任廣東右翼

鎮總兵前任寧陝鎮楊芳在陝有年熟諳營伍士  
卒歸心歷次軍營勦賊打仗著有勞績早在

聖明洞鑒之中若以楊芳調補陝安鎮缺不但營伍足資

整頓於南山督緝游匪事宜更爲結實可靠粵省  
近已洋面肅清且係東南海疆鎮將重在水師楊  
芳曾經獲罪重蒙不次

超擢該員亦正當及時効力現在蒙

恩特授廣東右翼鎮總兵轉得安居營署合無仰懇

聖恩將楊芳

賞調陝安令該員得有圖報之路於南山營汎亦有裨益  
惟事非常例臣爲要缺得人起見可否之處出自  
皇上天恩至南山情形於冬底春初民間收釐之後更爲

緊要倘蒙

聖恩俞允請

旨飭令楊芳迅速到陝任事更爲得力謹

奏奉

硃批不必

嘉慶十六年閏三月十七日

奏查安肅道富英爲人誠樸才具雖未開展而操守實屬廉潔辦事亦甚結實上年經臣調赴安定會寧

二縣監散賑銀該道督率稽查實能肅清諸弊不辭勞瘁時因會寧一帶亢旱異常甚至民間窖水俱盡該道來往災區日飲窖底之水積勞成疾迫

事竣回省臣見其業已受病卽令回任調養今因  
積勞病故殊覺可惜至安肅道係請

旨之缺向用旗員惟查該道駐劄肅州爲新疆門戶時有  
各城伯克及往來換班之員差務絡繹必須簡於  
酌應老練之人才無濫給濫應之事且所屬之安  
西州哈密廳又遠在口外管轄難周非熟悉情形  
之滿員難以勝任茲查有翠秦階道同福本由安  
肅道調補鎮廸道俸滿回省補授今職現在七年  
俸滿及因卓異併案給咨赴部引

見該道操守老成辦事幹練且曾任安肅道於地方情形

頗爲熟悉可否仰懇

皇上天恩卽以同福調補安肅道其鞏秦階道一缺亦係  
衝疲難請

旨之缺仍請

卽員補放一轉移間庶要缺兩得其人於地方均有裨益  
謹

奏

嘉慶十六年四月初七日奉

上諭那彥成奏甘肅安肅道富英病故請以鞏秦階道同  
福調補一摺該道地處邊陲同福旣熟悉該處情形着

照所請准以同福調補安肅道其所遺鞏秦階道員缺着龍萬育補授

嘉慶十六年閏三月十九日

奏爲揀員請補知縣事竊照隴西縣知縣樊玉軸因案奏參革職所遺員缺係衝繁中缺參革所遺應歸部選惟隴西縣爲附府首邑政務較繁兼值上年灾歉之後必須加意撫綏非熟悉風土才守兼優之員難以勝任臣與藩臬兩司公同遴選查有邊俸年滿保薦候陞之知縣誠忠老成明練辦事精詳今先以原官請補隴西縣知縣實堪勝任查誠忠在

甘十有餘年風土人情最爲熟悉且係邊倅應陞  
無論缺分繁簡均得請補之員由司詳請專摺具  
奏前來合無仰懇

皇上天恩俯准以誠忠補授隴西縣知縣實與地方有裨

謹

奏奉

硃批吏部議奏

嘉慶十六年六月初三日

奏爲知府員缺緊要仰懇

聖恩俯准補用應陞人員以裨地方事竊照鞏昌府知府

黃銑告病遺缺係冲繁疲難最要缺定例應請

旨簡放

臣何故貢陳惟查甘省應陞知府者現有二員一

貴德同知嵇承裕年六十一歲江蘇監生由捐納

府經歷發甘咨補平涼府經歷因隨營差委勦賊

出力奉

旨賞戴藍翎以應陞之缺陞用補授玉門縣知縣捐陞同

知奏准留甘補用嘉慶十四年准補貴德同知引

見後於十五年七月到任該員才具老練辦事精詳曾署

慶陽府及現在委署蘭州府篆諸務認真任內參

罰除已咨未奉部覆外僅止三案俸銀未完該員

係軍營出力奉

奏應陞之員若陞補知府似可聲明請

旨又秦州直隸州知州李受曾年四十七歲直隸舉人大挑一等以知縣分發甘肅捐陞同知

奏准留甘借補階州直隸州知州因辦理軍需出力經前督臣惠齡保奏奉

旨以應陞之缺陞用副與陝西鄜州直隸州對調復經奏准留甘嘉慶十一年十月奉

旨補授秦州直隸州知州該員才識幹練表率有方歷署鞏昌甘州涼州各府篆辦理裕如任內叅罰除已

經完繳俸銀咨部銷案暨照例開復及咨叅未奉  
部覆外尙有地丁降職停陞六案又常糧降俸一  
案與陞補之例未符但該員亦係軍營出力奉

有 何 區 別

旨應陞似與尋常請陞之員稍有區別且查甘省知府共  
計九缺除平涼慶陽二府應歸部選又口外之鎮  
西府一缺應於內地現任滿員知府內揀選對調  
外其蘭州鞏昌甘州涼州寧夏西寧六府均係請  
旨簡放之缺不准在外題補是稽承裕李受曾二員徒有  
應陞之名終無得缺之日亦應量爲調劑俾得及  
時自効所有鞏昌府知府一缺合無仰懇

皇上天恩俯准於嵇承裕李受曾二員內補用一員於地方公務實有裨益該員等均係應陞已久今得轉一階感激

鴻慈自必倍加奮勉亦無負前奉

恩旨獎勵微勞之至意臣與瀋寧兩司公同酌議理合專

摺奏明謹

奏

嘉慶十六年六月二十一日奉

上諭那彥成奏鞏昌府知府員缺緊要請於甘省現任同知直隸州知州內補用一摺鞏昌府係請旨簡放之缺

何得在外奏請年來外省似此違例具奏者俱經駁飭  
不准該督豈不知之卽或新任之員人地未宜惟當酌  
量奏調若俱紛紛在外請補但爲屬員陞轉地步勢必  
致京員壅滯殊屬非是况閱所保二人內嵇承裕前由  
該省經歷以應陞之缺陞用業經涼陞同知若藉此屢  
陞不已將來復何所限制李受曾由知縣捐陞同知曾  
因辦理軍需奏留甘省業經補授秦州直隸州知州其  
不能再邀陞用亦與嵇承裕相同且從前李受曾因弟  
兄爭訟財產牽涉軍需解部審訊有案其聲名本屬平  
常朕所素知而現在尙有降職降俸各案與例顯不相

符該督猶遷就其詞稱與尋常請陞之員稍有區別又有何區別耶該督所請不准行仍着傳旨申飭

嘉慶十六年六月初五日會同陝西巡撫董公教

增固原提督楊公遇春

奏爲現任總兵人地未宜擬請揀員對調以重營伍事

竊查陝西陝安鎮總兵游棟雲自上年冬間到任

以來於營伍一切事宜尙無貽悞

臣那彥成隨事

隨時留心察看並屢次諭以陝安爲南山重鎮務

須嚴密操防認真巡緝毋許稍有懈弛該鎮雖亦

知勉力遵辦第於該處一帶道路情形究未熟悉

設遇有緝拏匪犯之案難資得力

臣

那彥成此次

道經固原西安面晤

臣

董教增

臣

楊遇春議及南

山情形咸以游棟雲在任人地不甚相宜伏查陝

安鎮駐劄興安地處萬山之中管轄標路營汎與

四川湖北地界毗連所在深山老林匪徒出沒往

來最爲藏奸之藪今游棟雲未諳地利情形誠恐

將來貽悞自應酌量更調以重營伍查有甘肅寧

夏鎮總兵祝廷彪人頗結實訓練有方曾在軍營

勦賊出力於興安一帶險阻情形尤爲熟悉以之

調補陝西陝安鎮總兵洵堪勝任所遺寧夏鎮總

兵員缺營務較簡若卽以游棟雲對調可期無悞  
臣等再三斟酌意見相同合無仰懇

皇上天恩俯准以祝廷彪調補陝安鎮總兵游雲棟調補  
寧夏鎮總兵俾要缺得資人地相宜之利實有裨  
益臣等爲地方營伍起見合詞恭摺謹

奏

嘉慶十六年六月二十三日奉

上諭那彥成等奏請將陝安鎮總兵游棟雲與寧夏鎮總  
兵祝廷彪對調一摺游棟雲祝廷彪俱係軍營出力之  
員經朕擢任事間惟據稱陝安爲南山重鎮游棟雲於

該處一帶險要情形究未如祝廷彪較爲熟悉着照該督等所請祝廷彪准其調補陝安鎮總兵其寧夏鎮總兵卽以游棟雲調補

嘉慶十六年九月二十日

奏臣

夏間

陞見曾將甘省州縣倉庫無虧之員面行保奏仰蒙

皇上恩施俯准具摺補奏在案伏查甘省吏治亟應大加

整飭

臣於上年清理倉庫留心查察竟有能謹慎

出納歷任本任均無絲毫虧缺平日辦事率皆結實可靠聲名亦好旣知謹守又非拘牽無用之才

是以臣不揣冒昧面懇

天恩竊思慎重倉庫原屬地方官分內之事何敢妄有希冀惟甘省爲極苦之區地方官乃能小心潔已自非平時十分刻苦亦不易至此若不令其姓名上達

天聽轉無以示其鼓勵臣仰荷

聖恩畀任封圻事期於核實辦理據實奏聞應如何

施恩之處出自

聖裁臣不敢稍有壅蔽此後仍嚴加查察如有不肖之員

任意侵虧一經查出立卽加等嚴參治罪似此功過分明庶各員知所畏服警惕倉庫胥歸核實所有各員姓名謹開呈

御覽

莊浪茶馬廳同知吳灼莊浪及歷署慶陽涼州府任內均無虧缺且將莊浪前任虧缺已彌補清

楚

新補狄道州知州汪鳴歷任高臺縣武威縣靈州

任內均無虧缺

平羅縣知縣王楚堂平羅及歷署張掖縣洮州廳

任內均無虧缺

會寧縣知縣王世焯會寧及厯署硤伯鎮番安化  
武威各縣任內均無虧缺

階州直隸州知州舒保階州及厯署慶陽府肅州  
任內均無虧缺

西寧縣知縣徐瑤西寧及兩當縣任內均無虧缺  
張掖縣知縣楊翼武張掖及清水縣任內均無虧

缺

武威縣知縣宋炳武威及成縣任內均無虧缺

以上舒保徐瑤楊翼武宋炳均已懇請調繁已

足示之鼓勵

嘉慶十六年十月十二日奉

上諭那彥成奏查明歷任倉庫無虧各員懇恩量予鼓勵等語甘省清理倉庫吳灼等八員於歷任經手倉庫錢糧能謹慎出納毫無虧缺官聲亦好尙屬潔已奉法之員除階州知州舒保西寧縣知縣徐瑤張掖縣知縣楊翼武威縣知縣宋炳業經該督調繁示獎外所有莊浪茶馬廳同知吳灼狄道州知州汪鳴會寧縣知縣王世焯平羅縣知縣王楚堂俱着加恩以應陞之缺先儘陞用以示鼓勵該部知道

嘉慶十六年十月二十一日會同青海辦事大臣

文公爭

奏爲邊外要缺同知需員請將現在署事熟諳番情之  
州判仰懇

聖恩俯准陞署以重地方事竊

臣那彥成夏間展

覲曾將現署貴德同知之階州直隸州白馬關州判賈昇  
一員面行保奏仰蒙

恩允茲查循化同知德慶邊俸三年報滿又准部咨德慶  
丁憂開缺應卽遴員請補行據藩臬兩司詳稱查  
循化同知係疲繁難兼三要缺嘉慶十二年奏明

無論滿漢但得人地相宜悉准酌量陞調在案該處地居邊外萬山之中番回雜處情形極爲狡悍撫馭最難現於通省同知及應陞人員內逐加遴選並無堪以勝任之員惟查階州直隸州白馬關州判賈昇年四十六歲山西拔貢就職直隸州州判加捐分發籤掣甘肅試用乾隆六十年到甘丁憂起復仍赴原省十二年辦理西寧軍營糧務事竣經前督臣長齡等保奏奉

旨儘先補用咨補今職十三年八月到任十四年委署貴德同知八月初七日到任該員精明幹練熟悉番

情任內僅有失察文縣逃軍葉奇松罰俸一案已經完繳咨銷惟厯俸未滿六年且同知非州判應陞之缺聲明嘉慶七年直隸州州判借補西大通縣丞余景奎陞署循化同知沙泥州判姜有望陞署貴德同知有案詳請具

奏前來臣等覆查賈昇署理貴德同知任內於撫馭番回寬猛相濟輿情極爲帖服遇有野番偷越卡倫搶竊蒙古之案無不親往查拏窮厯險阻至今兩載有餘蒙古呈控搶竊之案日少且於番地查緝保甲俾野番亦歸化導奸宄歛跡良善相安尤能

爲人所不能爲其勤苦出力實屬結實可靠循化  
界連貴德番族情形相同若以賈昇署理循化同  
知可收駕輕就熟之效惟歷俸未滿又係越級陞  
署與例不符但邊外員缺緊要人地實屬相需查  
有直隸州州判余景奎姜有望二員陞署循化貴  
德同知之案均經奉

旨允准理合專摺奏懇

天恩量加鼓勵可否將賈昇陞署循化同知俾辦理番回  
事件得資熟手旣與要缺有裨亦可令出力人員  
益知奮勉如蒙

俞允查州判請陞同知未免過優應令試署三年期滿如果始終勤奮再行

題請實授送部引

見倘不稱職仍行撤回所遣白馬關州判一缺應歸部選  
但甘省現有應補人員另容請補其俸滿丁憂循  
化同知德慶將來應作何補用之處已飭司照例  
查議另再具

題合併聲明臣等爲邊外要缺需人起見往返札商意  
見相同合詞恭摺謹

奏奉

硃批吏部議奏

嘉慶十七年正月初五日

奏爲酌請對調要缺道員以裨地方事竊查西寧道一  
缺係衝繁難三項要缺應由部請

旨簡放從前本係兼用滿漢人員至乾隆六十年改用滿  
洲蒙古人員定爲旗缺原以該處管轄蒙古番回  
非通曉語言熟悉夷情者不能勝任法至善也惟  
是

聖朝簡用人才無論滿漢總期各當其任今按現在情形  
似有未便拘泥者查西寧地方蒙古番回雜處近

接青海其中回民剽悍最甚回民之中撒拉爾一  
種爲尤甚道員整飭撫綏必須恩威並用方可控  
制得宜現在新任西寧道德奎及新補西寧府知

府錦明與奉

旨簡放之青海辦事大臣福克精阿同係新任仰荷

皇上特簡來甘於邊防要缺自必勝任裕如卽西寧道德

奎到省時

臣

接見數次見其人甚細緻尙可學習

辦事惟是地處邊陲於蒙古番回情形究未十分

熟悉且道府均係生手若遇有蒙古番回要案辦

理未免周章

臣

愚昧之見似應遴員更調方爲妥

協但此缺應用滿洲蒙古人員通省滿員內如平  
慶涇道德克精阿寧夏道蘇成額安肅道同福等  
均係現任要缺鎮廸道遇冒亦係口外旗員要缺  
均屬難以更調惟查有鞏秦階道龍萬育年五十  
歲四川拔貢由訓導保陞陝西高陵縣知縣辦理  
湖北軍營糧運勦捕賊匪奉

旨賞戴藍翎以應陞之缺陞用又勦捕首逆齊王氏姚之  
富案內奉

旨以同知直隸州用補授漢中府留壩同知委辦經畧軍  
營糧務奏奉

恩旨換戴花翎陞補興安府知府引

見後交軍機處記名丁憂服闋補授江西贛州府知府嘉慶十六年四月奉

旨補授鞏秦階道十二月到任該員才具幹練辦事老成曾厯軍營於機務亦爲熟悉以之調補西寧道可期勝任惟該員係屬漢員與例未符理合專摺請旨可否仰憲

皇上天恩俯准以龍萬育調補西寧道之處出自

聖主逾格鴻慈如蒙

俞允查鞏秦階道亦係冲疲難三項請

旨要缺卽請以西寧道德奎互相對調臣更有請者查西寧道府二缺均係請

旨要缺惟邊地關係緊要與腹地各缺不同初任人員究恐未盡熟悉嗣後道府二缺內不拘何缺或酌改爲一請

旨之缺一爲題補之缺及西寧道缺可否兼用滿漢人員無庸拘泥之處均應聽候

聖裁未敢擅便今臣與藩臬兩司商酌相同不揣冒昧謹

繕摺具

奏請

首謹

奏

嘉慶十七年正月二十五日奉

上諭據那彥成奏稱西寧地處邊陲新任道員德奎於地方番回情形未能熟悉請以龍萬育調補西寧道等語着照所請龍萬育准其調補西寧道其所遺鞏秦階道員缺卽以德奎補授嗣後西寧道仍照舊例作爲滿漢人員兼用之缺其所奏西寧道及西寧府二缺內請以一缺作爲請旨一缺改爲題補之處着交吏部議奏

容安謹按西寧道府二缺請改一爲題補之處

旋經部議奏駁

嘉慶十七年正月初三日

奏爲邊缺同知俸滿考核懇請照例陞用恭摺奏

聞事竊查定例循化貴德兩廳同知照口外之例三年期滿其平時果能約束番衆稽查卡倫及任內報搶各案均能隨時拏獲者專摺保奏以應陞之缺陞用如有熟手可以接替卽將該員陞用如一時無可接替之員請

首賞給陞銜頂戴暫行留任等因遵照在案茲據署藩臬兩司詳稱查得循化廳同知德慶正藍旗滿洲舉

人截取

朝考引

見奉

旨記名以知縣發往陝甘委用補授秦安縣知縣調補山

丹縣知縣

大計卓異引

見奉

旨回任候陞嗣經陞補今職於十三年十一月初一日到

任連閏扣至十六年十月初一日三年邊俸報滿

該員年力壯盛辦事勤能任內約束番衆稽查卡

倫俱能實力辦理其蒙古呈報搶竊各案亦皆隨時拏獲由蘭州道府核明呈請照例以應陞之缺  
陞用據兩司轉詳請

奏前來臣覆查德慶才具明幹辦事勤奮在任撫馭番衆拏獲搶案辦理均屬認真現屆邊俸報滿核與陞用之例相符合具

奏可否仰懇

皇上天恩俯准將俸滿循化廳同知德慶以應陞之缺陞用出自

聖主逾格鴻慈再該員於本年十月二十九日奉文丁憂

係在俸滿之後業經咨部在案將來回旗起復應作何陞用之處俟由部帶領引

見恭候

欽定所遺循化廳同知員缺先經以階州白馬關州判賈昇奏請陞署現在聽候部覆謹

奏

嘉慶十七年正月二十三日奉

上諭據那彥成等奏邊缺俸滿同知德慶在循化廳任內約束番衆稽查卡倫均能實力辦理於蒙古呈報搶劫各案亦皆隨時拏獲循例保奏可否以應陞之缺陞用

等語德慶現在丁憂回旗着於起復後交吏部帶領引見再降諭旨

嘉慶十七年七月十七日

奏爲邊疆同知員缺緊要仍請以保題之員陞補恭摺奏懇

天恩事竊照循化同知德慶丁憂遺缺前經臣以白馬關

州判賈昇奏請陞署奉部議駁嗣復以皇蘭縣知

縣丁聞洲

題請陞補茲准部覆以丁聞洲有降俸一案未經開復又降級一案開復在出缺以後與例不符等因伏

查循化同知係衝繁難兼三要缺前經奏定無論  
滿漢但得人地相宜悉准酌量陞調在案該處地  
居邊外番回裸處民情犷悍非精明強幹之員不  
足以資治理丁聞洲年四十六歲江蘇監生由捐  
納知縣分發甘肅補授寧遠縣調繁山丹嗣復調  
補首縣該員才具開展歷練有爲民情甚爲愛戴  
歷俸已滿五年上年又經

大計卓異洵屬州縣中出色之員所有部駁該員九年  
借糧未完一案降俸銀兩已於本年正月初六日  
完繳咨部銷案又委審賊犯安奇要一案降級捐

復銀兩已於十六年十二月十六日完繳部庫彼時循化同知一缺已以賈昇奏請陞署直至本年正月十三日接准部駁是循化一缺吏部應以甘省接到德慶丁憂之文爲開缺日期而甘省則應以奉到部駁賈昇之文爲開缺日期臣於二月二十四日始以丁聞洲

題請陞補核計該員捐復完銀日期雖在德慶丁憂以後實在部駁賈昇不准陞署之先與懸缺待人者似屬有間臣現與藩臬兩司於通省同知及應陞人員內覆加遴選實無堪以勝任之員丁聞洲既

無違礙處分又屬人地相宜合無仰懇

聖恩仍准以臯蘭縣知縣丁闖洲陞補循化同知實與要

缺有裨如蒙

俞允該員係卓異人員俟部覆至日併案給咨引

見恭候

欽定所遺臯蘭縣要缺容另揀員請補謹

奏

嘉慶十七年八月初四日奉

上諭那彥成請陞補循化廳同知一摺循化廳同知員缺  
該督前請以臯蘭縣知縣丁闖洲陞補題經部駁茲據

稱該員人地相宜並無違礙處分着照所請丁聞洲准其陞補循化廳同知該部知道

嘉慶十七年九月初三日

奏爲藩司患病仰懇

聖恩賞假調理并委員暫署藩篆恭摺奏

聞事竊查甘肅藩司陳祁自本年夏秋以來偶患瘧疾時發時止仍照常辦理公事一切認真並無絲毫貽悞七月以後病勢漸增雖未能隨衆逐日赴臣衙門但三五日必到署請見面議地方公務纖悉必

周臣每諄囑其安心調養以冀速痊迨八月望後

病已稍愈臣始克放心是以前赴河州巡閱營伍

乃自

臣

起程之後該司因誤服僞參疎患脾瀉肢

體浮腫臣

回省後親赴看視據稱前在陝西軍營

帶領兵勇節次勦賊打仗積受潮濕致成寒疾自

十四年到甘後因地土更寒舊疾時發今秋轉成

爲瘧自念仰蒙

皇上天恩由縣丞擢至藩司未効涓埃何敢不勉竭犬馬

但現在病勢已劇力實不支惟恐有悞公事只求

奏懇

聖恩俯准開缺俾得解任回籍調理再圖報効等語臣

察

其情詞真切言隨淚下視其精神委頓迥不如前  
日以前然猶力疾辦事每日仍手判稿案二三百  
件伏查陳祁端謹老成操守清廉率屬公正洵屬  
結實可靠臣到任三年事事與之商酌辦理該司  
盡心盡力實資襄助之益在該司渥沐

恩慈力圖報効萬不敢偶因患病遽請息肩惟藩司衙門  
爲錢糧兵餉總匯政務綦繁責成更重該司誠恐  
以病貽悞票請解任回籍調理前來臣因公事爲  
重不敢不據實奏

聞惟念甘省藩司係屬邊疆要缺陳祁之居心辦事實屬

可信且係從前軍營出力之人合無仰懇

天恩賞假兩個月俾令加緊醫治靜心調養倘居期尙未

痊愈再當請

旨開缺以重地方所有藩司篆務應暫遴員接署查有平  
慶涇道德克精阿才具幹練辦事精詳錢糧出入  
尤爲可信堪以委署所遺平慶涇道篆務查有平  
涼府知府郭照藜堪以就近暫行兼護謹

奏

嘉慶十七年九月二十三日奉

上諭那彥成奏藩司患病請賞假調理一摺陳祁着賞假

兩個月俾得靜心調養俟假滿痊愈仍照舊供職如屆期未痊再行奏請開缺

嘉慶十七年九月十二日

奏爲藩司出缺恭摺請

旨簡放以重邊疆事竊查甘肅藩司陳祁先經臣奏懇

聖恩賞假調理茲該司竟不能痊愈查奏委署案之平慶涇道德克精阿卽曰可到除飭令任事外所有甘

肅藩司遺缺應請

旨迅賜簡放以重邊疆謹

奏

嘉慶十七年十月十一日奉

上諭甘肅布政使員缺著何銑補授所遺江西按察使員  
缺著盛惇崇補授

嘉慶十七年十二月十六日

奏查署藩司之平慶涇道德克精阿自本年九月接篆以來辦理諸事才情敏捷而錢糧出入尤屬詳慎辦理清查彌補事務亦極認真查從前原奏清查章程在甘人員共虧缺無抵銀六十七萬餘兩每年籌補六萬十年可以全完今計本年初限截至十二月初九日止爲期止一年半而彌補已二十

萬餘兩是年半而已收三年之功至清查虧缺之  
案原係

皇上逾格施仁不治虧缺人員之罪自應各矢天良依限  
完繳該道係屬署事人員若非清潔自守不避嫌  
怨上緊催追萬不能得以多有盈餘該道仰蒙  
天恩補授道員係十五年到任歷俸尙淺而所辦清查又  
係分內應辦之事惟臣受

恩深重統屬兩省於屬員功過必當秉公分別始能於辦  
公有益茲將該員辦事出力之處不敢壅於

上聞據實直陳亦不敢遽行請

旨鼓勵至虧缺各員內間有不能依限完繳者臣現已飭令嚴行催提如再宕延不繳自當按名嚴叅治罪以示懲儆謹

奏

容安謹按此件

硃批謹密存未載

嘉慶十八年九月十六日

奏爲邊地一時難得其人據實呈請陞署仰懇

特恩事竊查甘肅西寧府屬之巴燕戎格通判一缺地處極邊幅員數百里生番撒拉爾交錯常有搶奪械

關等事守土之官措置一失機要往往滋生事故  
現在署事之員有候補縣丞借補階州吏目李豐  
特順天人到甘幾二十年人本明幹辦事勤奮風  
土人情俱極熟悉前於十五年甘省夏旱蘭州府  
屬之紅水地方尤甚該員署理紅水縣丞五六月  
間饑民嗷嗷急迫不及待賑該員署無升斗典衣  
借貸先自散給貧民餬食錢文所全活者甚衆百  
姓至今思感去歲委署巴燕戎格通判時撒拉同  
民馬相伏糾衆搶奪詐稱教道欲錢惑衆幾成巨  
案經臣督率署臬司蘭州道嚴烺飭該員會同

營員設法購緝該員不動聲色將馬相伏會同拏獲解省

奏明辦理以彰顯戮人心始安又去年九月昂拉等族番賊乙旦什加等搶奪番民牛羊牲畜並傷斃番民朱漢玉賊衆逃逸經該員會同營員前往昂拉族宣諭番衆畏懼獻出番賊二十餘人賊獲之八九悉皆按律辦理完結在案當時臣原擬據實保奏又思邊疆重地倘乞

恩太易或啟各員邀功之心轉致多事因與兩司商定密記再爲存辦惟現在部選之本缺通判潘承忻已

經到甘臣看其人尙清楚堪以造就第該員本籍

江南揚州甫經捐納服官從不知撒拉生番爲何  
如於邊要機宜茫未經歷臣竊思此時若令李豐

特仍署巴燕戎格通判而令潘承忻借署他缺私

下通融亦可辦理而究竟有涉於欺飾臣受

恩深重斷不敢出此且李豐特旣爲署事之員久之亦必

不能得力惟有憑情直陳於

聖主之前仰懇

皇上逾格

殊恩俯念邊要需員

准令李豐特陞署巴燕戎格通判如蒙

恩允令其試署十年再請實授如十年之中該員有始勤

終怠貽悞地方情事臣仍據實嚴叅至本缺通判

潘承忻留於甘省差委學習遇有相當缺出再行

奏請補用臣爲邊地緊要起見不得不據實縷陳懇祈

聖恩於格外欲其自効有成則寬以歲月因其陞署過優

則遲其實授臣與在省司道熟商意見相同不揣

冒昧謹繕摺具奏上懇

天恩謹

奏

嘉慶十八年九月三十日奉

上諭那彥成奏邊地要缺需人揀員陞署一摺李豐特准  
其陞署巴燕戎格通判試署十年再行奏請實授潘承  
忻着留於甘省差委學習遇有相當缺出奏明補用該  
部知道

奉

勅稽察

嘉慶十五年四月二十六日

奏爲欽奉

諭旨恭摺奏

聞事臣於本年四月二十日接奉清字

上諭色克通阿在吐魯番患病據興奎阿爾塔錫第率行具奏現已遣人送回着傳諭哈密辦事大臣陝甘總督陝西巡撫無論色克通阿行至何處卽截留醫治俟病痊仍令前赴和闐辦事如果不能就痊再行具奏欽此

查色克通阿在吐魯番患病

臣

於二月十九日道

經該處親往看視見其行動尙屬照常僅止言語

不明阿爾塔錫第當向

臣

會商具奏

臣

以匆匆一

見未能深悉其病吐魯番係你駐劄之城應你自

行具奏我不便會奏等語

臣

卽於次日五更起身

今據肅州知州繆元輔稟報色克通阿十七日可

以進關臣當卽飭令肅州及甘州涼州等府俟色

克通阿行抵該處卽妥爲護送一面稟報俟其到

蘭時臣親身查看令其診視或卽就痊遵

旨仍令前赴和闐辦事若病勢沉重難望痊愈再爲奏

聞倘色克通阿竟係假病

臣

查驗明確再當據實叅奏恭

候

聖明訓示謹

奏奉

硃批覽

嘉慶十五年五月初四日

奏爲色克通阿到省現留蘭州醫治恭摺奏

聞事竊臣前奉清字

上諭色克通阿在吐魯番患病典奎阿爾塔錫第率行遣人送回傳諭哈密及陝甘總督陝西巡撫將色克通阿

截留醫治俟其病愈仍令前赴和闐辦事欵此臣當將  
遵辦緣由覆奏在案茲色克通阿於四月三十日  
行至蘭州臣卽往驗看據色克通阿稱前在吐魯  
番自己不知有病心裡糊塗近日以來方知是進  
關如今漸次明白

皇上跟前如何奏

聞我實在害怕忽又說我現在預備接

駕恭候

皇上看操等語似又係古北口提督任內之言

臣當卽正

色傳宣

諭旨令其定心靜養如能速愈前赴和闢辦事

聖慈如天必不加你之罪色克通阿當下憲於

天威又似神氣少爲清涼臣隨減諸衙醫道之候補知縣

嵩綸候補縣丞余廷樑詳加診視僉稱委係心氣

虧損痰生包絡幸不甚重易於調治服藥月餘似

乎可以就痊等情臣飭令該員等上緊醫治一俟

其病大愈卽欽遵

諭旨仍令前往和闢辦事謹

奏

嘉慶十五年五月十八日奉

上諭那彥成具奏遵旨將色克通阿抵蘭視其病體稍愈  
留蘭調治俟病體大愈卽令前赴和闐再爲覆奏等語  
今色克通阿患病暫不能前赴和闐着施恩將伊留蘭  
調治俟病愈卽令前赴哈密協辦事務所遣和闐辦事  
大臣員缺着阿蘭保調補蘇勒芳阿仍協辦事務阿蘭  
保接奉此旨毋庸等候色克通阿來抵哈密卽由彼馳  
驛前往新任

嘉慶十五年六月初七日

奏奉清字

上諭色克通阿患病不能前赴和闐着施恩調哈密幫辦

事務大臣俟病愈卽令前赴哈密任事欵此當卽傳宣  
諭旨色克通阿感激

天恩碰頭祇謝臣看其病雖漸愈精神尙未復元據色克  
通阿懇再緩養十數日俟配齊藥物卽束裝起身

前赴哈密並具謝

恩摺一件交臣附報便進

呈等情謹

奏奉

硃批覽

嘉慶十五年七月初八日

奏庫爾哈喇烏蘇領隊大臣達慶於五月十六日路過蘭州臣與之會晤見其面目消瘦詢知伊在京時卽患中虛胃滿不思飲食臣當卽傷醫診視並屬其暫且緩養數日服藥調治達慶因奉

命出口不敢稽延臣因不放心隨差目兵一名照料前往

並配給藥餌冀其逐次調理日就痊愈茲該目兵送至嘉峪關回蘭帶有達慶書札內稱沿途服藥無效病並增劇不能喫飯惟強啜米湯稀粥自知勢難痊愈已停藥數日等語其病屬實而情詞亦極哀惻臣復向該目兵查詢據稱沿途醫生俱說

難治現在身體黑瘦精神極其委頓查達慶曾任  
大員茲復前往新疆領隊大臣換班路過臣地方  
既知其患病實情自應據實具

奏又色克通阿病稍痊愈已於六月初九日前赴哈密

辦事謹

奏

嘉慶十五年八月初五日軍機大臣字寄奉

上諭那彥成奏庫爾喀喇烏蘇領隊大臣達慶前往新疆  
途中患病服藥鮮效據實具奏等語達慶係屢經獲咎  
之人派往新疆換班自應遵旨前往卽途中偶爾患病

亦可調治就痊仍赴該處辦事豈有中途撤回換員前往之理那彥成此奏雖未敢遽請撤留而所敘達慶來札內稱自知勢難痊愈情詞哀惻等語竟係隱爲乞恩殊屬非是試思新疆換班之人皆係身獲罪謫經朕加恩錄用者若人人憚於前往藉病爲名希圖規避成何事體設因所派之人患病另行派員更換而彼時原派者業已病愈豈轉令後派之員前往耶如色克通阿亦經中途患病現經該督奏伊病已痊愈前往哈密今達慶藉詞逗遛而那彥成妄爲貢奏顯有瞻徇情事那彥成着傳旨申飭仍飭令達慶一俟調理稍愈卽前往庫

爾喀喇烏蘇任事可也

那文毅公二任陝甘總督奏議卷二十六